

durubir gegeben haben. Des tzu urkunde haben wir unser stad ingesigel wißentlichin an diesèn brif gehangen, der gegeben ist noch gotzs geburt drytzen hundirt jar dornoch in dem sibir unde achtzigisten jare am dinstage sente Barbare tage.

137.

Bürgermeister und geschworne Rathmannen ertheilen den Kürschnern und Weißgerbern eine Innung 5 und Innungsartikel. 1390 Mai 24.

Hilschr.: Or. Perg. Rathsarchiv Freiberg K. 21. Das S. an Pergamentstreifen ist abgerissen.

Ann.: Dem Verzeichniss der rectores manualium von 1389 (Oct. 14) im Stadtbuch I fol. 23^b sind die beulen Innungsmeister der pellifices nachträglich zugefügt.

Wir Benyl Binholcz burgermeister, Wilde, Stör, Cuncz Rebnak, Nickil Herborthe, 10
 Petir Becker, Hans uz der Losnicz, Henczil Perler, Meffrit, Frenczil Losman, Paul
 Thomas und Peschil Osan geschworne ratislute der stat zeu Fryberk bekennen —, daz
 wir — den kürsenern und wysgerwern yn Fryberk cyn innunge gegebun und bestetigit
 habin, gebun und bestetigen yn desern keginwertigen briefe, daz sy ir innunge mit
 einandir habin zullen, also daz nymant kürsenwerk nach wysgerbwerk yn Fryberk 15
 wirken zal, er habe denne ir innunge gewonnen mit eyner mark, daz syn vyer schillinge
 groschen Frybergischer muncze; der gebört den bürgern †xvi gr., dem obirsten ge-
 richt xvi^a), dye sechzehnen den gewerken. Welchir denne undir den, dye ir innunge also
 gewonnen habin, styrbit, der zal syn werk und innunge erben uff synen jüngsten son
 und uff syne eldiste tochter. Czwene meistir züllen sye habin undir yn, dye züllen dye 20
 bürger selbir kysen alle jar. Und kein gesezze züllen sye habin an irem hantwerke
 nach an nichte, denne waz dy bürger seetzen und gebithen, daz züllen sye halden alz
 andir hantwerke an allen dingen. Ouch züllen sye ir hantwerk tryben yedirman alz yn
 angehört, der kürsener syn kürsenwerk und der wysgerwer syn wysgerbwerk, also daz
 der wysgerwer mit der nolden nicht erbeiten zal und der kürsener zal ouch nicht erbeiten 25
 uff dem schabebowme. Adir allir kouff zal yn beidirsyt frye syn, also daz yedirman
 wol kôufen mak, waz ym zeu syme werke not ist. Allirleye wysgegerwet erch mak
 man wol herffüren und daz an ganczen ballen sammenkoufes mit einandir vorkôufen; is
 mak ouch eyn iczlicher, der yn Fryberk adir yn unsirs herren lande gesezzin ist, wol
 kôufen ane var. Adir Simaschen fuchspalge, martpalge nach keinerleye war, dye kürsen- 30
 werk angehört, zal nymant kôufen, er habe denne syn burgerrecht und dye innunge
 gewonnen, alz oben geschrebin stet. Der kürsener zal ouch allezeit zeitik werk kôufen,
 und misseret ym dez icht, da zal er andir werk nicht methe velschen und zal is ytel
 machen und ytel vorkôufen. Mengit er is abir undir einandir, zo tut er eynen valsch.
 Is enzal ouch yn dem jare nymant kein kürsenwerk herffüren von keiner stat, denne yn 35
 dem jarmarcte und zeu den zewen applassen, und züllen ouch nyrgent andirs stehen,
 weune yn dem jarmarcte undir dem koufhuse und zeu den applassen uff dem koufhuse.